

# INFO SHEET

## VOICES OF YOUTH BOSNA I HERCEGOVINA

### O inicijativi Voices of Youth

Inicijativa VOICES OF YOUTH (VoY) ili “GLASOVI MLADIH” predstavlja UNICEF-ov model za uključivanje mladih u kreiranje globalnih i nacionalnih politika. Od uspostavljanja inicijative 1995. godine, kada je služio kao platforma za 3.000 mladih ljudi iz 81 zemlje da prenesu svoje poruke svjetskim liderima na Svjetskom samitu o društvenom razvoju u Kopenhagenu, VOICES OF YOUTH danas predstavlja globalni brend za praćenje glasova mladih.

Tokom godina, [VOICES OF YOUTH](#) je evoluirao. Putem društvenih medija i digitalnih tehnologija, VoY je spojen sa UNICEF-ovom [U-Report](#) digitalnom platformom koju mladi koriste da bi ukazali na svoje probleme i teme koje su im od interesa.

Jedan dio VoY inicijative je i provođenje anketa o znanju, stavovima i ponašanju mladih. Provođenje ankete ima za cilj osigurati da se glasovi mladih čuju i uzmu u obzir u razvoju politika, programa i mogućnosti za mlade, a koje su osjetljive na njihove potrebe i težnje. Cilj je podstaknuti inkluzivnije i aktivnije učešće mladih u društvu. Ključno je razumjeti i pratiti potrebe i mišljenja mladih ljudi u svjetlu tekućih lokalnih i globalnih trendova kako bi se efikasno osmislile intervencije i doprinijele razvoju zemlje.

### Voices of Youth u Bosni i Hercegovini

Do danas su u Bosni i Hercegovini (BiH) završena dva kruga istraživanja VoY. Inicijalno istraživanje VoY provedeno je 2011/2012. godine, nakon čega je uslijedio drugi krug 2016, a u 2024. godini, provodi se treći krug istraživanja.

VoY istražuje različite važne teme vezane za mlade: obrazovanje, zapošljavanje i rad, socijalnu zaštitu, aktivnu participaciju u društvu, mobilnost i sigurnost. U 2024. godini, VoY u BiH bazirat će se na istoj metodologiji kao u prethodna dva kruga, ali će ovogodišnje istraživanje uključiti i pitanje nasilja u online prostoru, mentalno zdravlja mladih te stavove o uticaju klimatskih promjena.

Kontinuirano prikupljanje podataka putem VoY ankete u BiH, omogućava praćenje promjena u iskustvima, stavovima, mišljenjima i ukupnim aspiracijama mladih ljudi u BiH. Uključujući perspektive mladih, VoY pruža važne informacije koje služe kao osnova za kreiranje politika osjetljivih na mlade i formulisanje programa organizacijama poput UNICEF-a i drugih agencija UN-a. Istovremeno, istraživanje omogućava i lokalnim vlastima u Bosni i Hercegovini da integrišu potrebe mladih prilikom formulisanja politika i programa u zemlji.

## Rezultati istraživanja 2016 Voices of Youth BiH

---

Rezultati istraživanja provedenog u 2016. godini pokazali su postojanje hitne potrebe za stvaranje mehanizama i trajnih rješenja koja će dovesti do poboljšanja općeg položaja mladih u BiH. Ključni problemi mladih u 2016. godini bili su **nezaposlenost, neriješeno stambeno pitanje te materijalna i ekonomska ovisnost**.

Položaj mladih ovisi o materijalnom stanju ukupnog stanovništva BiH. Planovi, stavovi i nivo zadovoljstva mladih direktno su povezani s ekonomskim položajem mladih u društvu. Istraživanje iz 2016. godine pokazalo je da postoji pozitivan napredak u pojedinim sferama života mladih, a u drugima je evidentna stagnacija, pa čak i pogoršanja.

Mladi svoj status smatraju prosječnim, ali su vidljivi pozitivni trendovi. U poređenju sa istraživanjem iz 2011./2012., mladi su u 2016. godini rijetko izjavljivali da im se standard pogoršava ili ostaje isti te im je percepcija bliske budućnosti bila pozitivna. U poređenju s 2011./12., mladi su rjeđe odgovarali da će im budućnost biti ista ili gore.

U 2016. godini, mladi iz ranjivih skupina češće su prijavljivali diskriminaciju i ugroženost, posebno u pogledu obrazovanja, zapošljavanja i prihoda.

Rezultati iz 2016. godine također su pokazali da je potrebno uložiti dodatne napore u obrazovanje. Mladi su iskazali rastuću brigu za kvalitet obrazovanja. Iako je bilo primjetno da mladi imaju više mogućnosti za neformalno obrazovanje, mladi su i dalje tražili poboljšanje pristupa neformalnim obrazovnim programima.

Istraživanje je pokazalo da je mlade potrebno više uključiti u svim sferama života. Poslodavce treba poticati na uključivanje što većeg broja mladih u poslovanje, a vlade trebaju osigurati uključivanje većeg broja mladih u procese donošenja odluka. Mladi smatraju da je njihov nivo utjecaja na radnom mjestu, u školi i političkim organizacijama izrazito ograničen.

Mladi su često navodili da bi napustili Bosnu i Hercegovinu. Samo 10 posto mladih je izjavilo da ne bi napustili BiH kada bi imali priliku za to.

Istraživanje iz 2016. godine je pokazalo da je potrebno poticati mlade na povećanje poduzetničkih aktivnosti te političkog i društvenog angažmana. Prioritet je i zaštita prava mladih, posebno onih ugroženih na radnom mjestu, u obrazovanju i unutar ranjivih skupina. Potrebno je unaprijediti sistem socijalne zaštite u BiH i aktivno raditi na iskorjenjivanju mita i korupcije.

**Puni izvještaj za 2016. godinu: [VoY BiH 2016](#).**

## Učestvujte u VoY 2024 !

---

Vjerujemo da zajedno možemo značajno uticati na budućnost mladih u BiH. Vaša podrška i partnerstvo su nam neprocjenjivi. Molimo vas da nam se pridružite u ovom važnom nastojanju da osnažimo glasove naše omladine.

Popunite anketu koja se nalazi na sljedećem [linku](#)!